

沙漠天氣轉換之劇烈如此。余等於上午七時出發，向東北行，遵來時舊道。九點轉東行，時有溢水。十一點東行微偏南，抵河岸。河寬約百餘步，兩岸枯胡桐橫陳。沿河而進，溢水載道，時阻予之行程。十二點轉東偏北行，抵古房遺址。在一大土阜上，頂頗平整，長約五六十步，寬約二三十步不等，遺址即在土阜之窪陷處。疊鹹塊爲牆，蘆草覆之，方徑丈許，有房十餘間，羊糞骨角，散布地表。檢亦無他物。余等即駐於其南傍水之平灘上，並在其附近作古物之探尋也。（附圖一一）

在余住處西北有一土阜，前後寬廣，中腰頗狹，形同葫蘆。阜上坦平，面覆枯胡桐樹六株，即爲古墳井口所在。循迹發掘，深四尺許，發現尸骨四具，重疊而葬，衣服已腐朽矣。頭部有漆木桶狀杯，及木把杯，（圖版一三：圖<sub>3</sub>；一七：圖<sub>7</sub>）圓底木俎（圖版一六：圖<sub>1</sub>、<sub>2</sub>）之類。又有殘塊銅鏡，（圖版八：圖<sub>7</sub>）及耳飾等，由銅鏡之邊緣，可決定其爲漢物無疑也。是此塚亦爲兩千年前後之遺址矣。又在土阜附近，拾銅三棱鏃，及石矢鏃之類，及土阜上紅陶片內含灰陶，想與此墓中人之時代相距或不甚遠。但四尸骨重疊於一穴爲可異耳。（參考第一次考查路線圖工<sub>1</sub>）

三、L<sub>5</sub>古塚 在余住處之南約里許，四周積水，有風化層之土阜一座，屹立中洲，上栽立木杆爲標幟。（附圖一二）發掘其下，有石柱作長方形，長約三尺許，直立穴中，或用以支持土塊爲墓室之架樑者。尸骨均已攪亂。同時墓中發現草簍一具，（圖版二六：圖<sub>1</sub>）以藤爲經，再以勁草編織之。兩旁有耳，繫繩之痕猶存。圓底豁口，形狀橢圓。疑爲死者生時盛食物之具，死後即以此殉葬焉。又有漆木桶狀把杯一件，（圖版一三：圖<sub>2</sub>）外塗朱漆，但彩色已毀，形式與L<sub>1</sub>塚中把杯相同。又有骨器六件，（圖版二八：圖<sub>1</sub>—<sub>6</sub>）均作椎形。<sub>1</sub>—<sub>4</sub>各器，一端尖銳，疑爲古人搔髮之簪。圖<sub>6</sub>一端作柄狀，用意不明，然以<sub>3</sub>、<sub>4</sub>兩圖言之，疑爲女人頭上飾物。疑塚中死者，或爲一女人也。又有玉、石、骨等件，（圖版三〇）與之同時出土。其中有玉耳飾二枚，（同版：圖<sub>1</sub>—<sub>2</sub>）作橢圓形，中空。又有方形者，有圓粒形者，有薄葉狀者，無疑的皆爲耳上之飾物。又骨粒一串，形同